

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Nicodemi Frischlini Rebecca

Frischlin, Nicodemus

Altorfii, 1611

Actvs V. scena VII.

[urn:nbn:de:bsz:31-138617](https://nbn-resolving.org/urn:nbn:de:bsz:31-138617)

*Prælu cet: sola hæc præstitura à nobis dirigit: sine
hac*

*Negotium qui suscipit, laterem lavas: id quod
mibi adeò*

*Multis meis experimentis demonstravit prudens
pater. (Deo*

*Eamq; ob causam huc solus in rus concessi, ut mihi
Vota faciam, & precibus totum illi commendem
negotium,*

*Sed quos video procul advenire hominesq; nisi
malè conspicio, (eres*

*Camelis insident, & ducunt aliquot secum muli-
Mirum profecto, ni clemens, & propitius mihi
Deus, (dium,*

Nec opinanti objiciat improvisum aliquod gau-

ACTVS V. SCENA VII.

Eleasarus, Rebecca, Isacus,

Senarii.

C*Um benè re gesta saluus convertor domum,
Deo æterno immortales habeo gratias:
Qui solus in patriam ex peregrinus me locis
Reducem facit: tuq; adeò herilù patria
Salve: quam nunc ego duobus mensibus,
Postquam hinc in Mesopotamiam abii, video lu-
bens.*

RE.

RE. *Quis nam hic vir est, Eleasare mi, quem
conspicor.*

EL. *Vbi? RE. Illic in agro, qui solus deambulat.
IS. Est ne hic servus, de quo modo agebam, Elea-
sarus?*

EL. *Estne hic herus meus Isacus? RE. quem hunc
nominas?*

IS. *A. Is est profectò. ELE. cum esse autumno. RE.
quà hic vir est?*

EL. *Papa! videon ego Isacum, an non? RE, quem
vides?*

EL. *Herum meum. Nam hic est Isacus, huc qui ob
viam*

*Venit. RE. sine de fiteam ex Camelo, & flammeo
Faciem obnubam. EL. here salve. IS. salve mi E-
leasare.*

*Sed quis comitatus hic? EL. apporto nuncium,
Cuius maximè te fieri participem cupis.*

IS. *Quod nuncium? Satis ne sunt salva omnia?*

EL. *Imò omnia. Laus omnipotenti Deo, qui iter
Secundavit clementi numine. IS. gaudeo.*

EL. *Atque hanc tibi virginem honestissimam o-
mnium*

*Qua in terris vivunt, Bathuelis filiam,
Neptem Nachori Rebeccam, gentilem tuam,
Vxorem destinat: tibi desponsam à patre,
Et totà à familià: ut atatem tecum exigat,*

G 5 Et

Et pulchrâ prole, te letum faciat patrem.

IS. Quid ais? te adducere Bathuelis filiam?

*EL. Etiam, IS. Rebecca? EL. maximè, IS. ne-
ptem Nachor?* (bi.)

EL. Planissimè. IS. desponsam mihi? EL. dixi ti-

IS. Tibine ego credam? non ludis me? EL. Cur ego

Ludam: cur tu non credas? an fidem meam

Vnq̄ expertus es, ulla in re, lubricam aut malam?

IS. Atq; haud eò dico, quod diffidam tibi,

Eleasare, cuius in me expertus sum fidem:

Sed quod vix fieri hoc posse arbitratus fui,

Quod tu operâ perfecisti mihi tuâ probè.

*EL. Imò hoc Dei perfectum operâ, num ambigis
adhuc?*

IS. Nihil: sed ago Deo omnipotenti gratias.

Qui me voti mei clementer compotem

Fecit: teq; reducem mihi & seni patri.

Cum tanta letitiâ & tantâ spe mihi reddidit,

Deinde & Bathueli & omni familia,

Quæ affinitatem nostram tibi non abruit:

Tum verò præferim tibi, castissima

Virgo Rebecca: tua, quæ matrimonio

Dignum me censuisti, gratias ago:

Teq; accipio lubens, te complector anime

Mi, mea voluptas, mea spes in vitâ unicâ:

Diadema vitæ meæ: oculus meus unicæ.

Meum solatium, quod Sarae funeri,

Et

*Et lactus opponam meo. Quin detegis,
Vultum? nam te pudicam esse, minimè ambigo.*

*RE. Faciã quod me jubes, here mi Isace: nam tua
Sum, tua volo esse: tibi semper morigera ero
In rebus omnibus: tibi do me, domine mi;*

*Tibi me committo: tuæ me mando fidei.
IS. O fortunatum me! ut tua verba audio lubens;
Ut te Rebecca mea, nunc conspicio lubens;
Ve præ letitiã lachryma præsiliunt mihi.*

*EL. Quali tu seruo, tua commendasti bona?
IS. Bono & fideli & fido, & cum magnã fide:
Qui tantam offers adventu letitiam tuo.*

*Tot commodas res offers: tot adimũ mihi
Curas, quæ exercuerunt me aliquot mensibus.
EL. Ego quàm fideli animo in te fuerim here,
Ex ipsa, te malo intus resciscere. IS. scio.*

*Amoq; & laudo & vehementer te prædico:
Nam te esse erga me fido ingenio, comperi,
Tibiq; exopto, ut reliquam vitam transigas
Nobiscum felix, & fortunatus diu.*

*Nunc ite intrò: nam dudum vos expectat senex,
EL. Eamus: quando benè cessit negotium
Nam non est expectandum, dum exeant: intus
Res transigetur, intus desponsabitur.*

*Quod reliquum est, id vobis exponet Cario.
CARIO. Spectatores: Poëta noster hic novus,*

Daturus

*Daturum vobis se promittit propediem
Novam, facetam, & haud illeptam fabulam.
Cuius vos argumenti, nil simile vsquam
Videritis: Verum ea lege, se facturum ait,
Si vos & huic novae sponsae hymnum in nuptiis,
Et huic etiam plausum detis Comediae.*

E I N I S.

